

Član 8.

(Stupanje na snagu)

Ovaj Pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 01-9-04-1913/25
03. aprila 2025. godine

Ministar
Admir Katica, s. r.

Ministarstvo za odgoj i obrazovanje Kantona Sarajevo

Na osnovu člana 66. st. (1) i (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 94. stav (9) Zakona o odgoju i obrazovanju u osnovnoj i srednjoj školi u Kantonu Sarajevo ("Službene novine Kantona Sarajevo", broj 27/24), ministrica za odgoj i obrazovanje Kantona Sarajevo donosi

PRAVILNIK**O IZMJENAMA I DOPUNAMA PRAVILNIKA O
IZRICANJU ODGOJNO-DISCIPLINSKIH MJERA U
OSNOVNIM I SREDNJIM ŠKOLAMA**

Član 1.

(Izmjene i dopune člana 6.)

- (1) U Pravilniku o izricanju odgojno-disciplinskih mjera u osnovnim i srednjim školama ("Službene novine Kantona Sarajevo", br. 33/24 i 51/24) u članu 6. u stavu (3) iza riječi na kraju teksta: "Pedagoškog kartona učenika." dodaje se tekst koji glasi: "Odgojno-disciplinsku mjeru ukor razrednika izriče razrednik, te za istu mjeru nije potrebno izraditi IPP i IPB, osim ako razrednik drugačije ne procijeni."
- (2) Stav (4) mijenja se i glasi:
"(4) Nakon savjetovanja sa učenicom kojem se izriče odgojno-disciplinska mjera, razrednik poziva roditelje/staratelje/usvojitelje (u daljem tekstu: roditelj) učenika. Razrednik i stručna služba škole, roditeljima učenika kojem se izriče odgojno-disciplinska mjera i izrađuje IPP odnosno IPB, zajedno prezentuju plan odgojno-obrazovne podrške, stručnog tretmana, IPP-a odnosno IPB-a u skladu sa stavom (3) ovog člana."
- (3) U stavu (8) iza riječi: "Prilikom izricanja odgojno-disciplinske mjere" dodaju se riječi: "razrednik odnosno".
- (4) U stavu (10) iza riječi: "IPB" interpunkcijski znak "tačka" zamjenjuje se interpunkcijskim znakom "zarez" i dodaju riječi: "osim kod izricanja odgojno-disciplinske mjere ukor razrednika."
- (5) U stavu (11) iza riječi: "provođenja mjera" interpunkcijski znak "tačka" zamjenjuje se interpunkcijskim znakom "zarez" i dodaje tekst koji glasi: "osim ako razrednik odnosno stručna služba škole ne procijene da je došlo do poboljšanja u ponašanju učenika ili učenik svojim ponašanjem pokaže da je došlo do prestanka razloga za izricanje odgojno-disciplinske mjere, a zbog kojeg je učeniku izrečena odgojno-disciplinska mjera i prije roka od tri mjeseca od početka provođenja mjera. U tom slučaju učeniku se ublažava ili ukida izrečena odgojno-disciplinska mjera."

Član 2.

(Izmjena člana 7.)

U članu 7. stav (4) mijenja se i glasi:

"(4) U toku nastavne godine roditelj može lično opravdati izostanak svog djeteta bez ispričnice/ljekarskog uvjerenja u trajanju od najviše pet dana u toku jednog polugodišta, odnosno deset dana u toku nastavne godine."

Član 3.

(Izmjena člana 9.)

U članu 9. stav (2) mijenja se i glasi:

- "(2) U slučaju da se učeniku izrekne jedna od navedenih odgojno-disciplinskih mjera u vezi s neopravdanim izostajanjem s nastave, odmah se za učenika izrađuje IPP ili IPB, osim za odgojno-disciplinsku mjeru iz stava (1) tačka b) ovog člana ukoliko razrednik drugačije ne procijeni i postupa se u skladu s Pravilnikom o vođenju evidencije o neprihvatljivim oblicima ponašanja i/ili drugim faktorima koji mogu ugroziti najbolji interes učenika i zaštititi učenika i Pravilnikom o provođenju mjera odgojno-obrazovne podrške i stručnog tretmana učenika, kako bi se utvrdili i otklonili razlozi neopravdanih izostanaka i učeniku osigurala podrška i briga."

Član 4.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 11-07/02-34-8449-7/25

11. aprila 2025. godine
Sarajevo

Ministrica

Naida Hota-Muminović, s. r.**Ministarstvo za boračka pitanja Kantona Sarajevo**

Na osnovu člana 66. st. (1) i (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 56. stav (4) Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", br. 31/22, 8/24 i 13/25), ministar za boračka pitanja Kantona Sarajevo donosi

PRAVILNIK**ZA UTVRĐIVANJE PRAVA NA DODJELU
JEDNOKRATNE NOVČANE POMOĆI****DIO PRVI - OSNOVNE ODREDBE**

Član 1.

(Predmet)

Ovim pravilnikom uređuju se korisnici i vidovi ostvarivanja prava na dodjelu jednokratne novčane pomoći, postupak ostvarivanja prava, uvjeti i kriteriji za ostvarivanje pojedinih vidova prava na jednokratnu novčanu pomoć, plaćanje dijela troškova vanrednog školovanja i paralelnog samofinansirajućeg, plaćanje dijela troškova II i III ciklusa Bolonjskog sistema studija, dodjela novčanih sredstava za rješavanje socijalnih potreba, plaćanje troškova stanarine, pomoć osumnjičenim i optuženim bivšim pripadnicima Oružanih snaga RBiH u predmetima ratnih zločina do pravosnažnosti presude, kao i članovima njihovih porodica, kao i druga pitanja od značaja za ostvarivanje prava na dodjelu jednokratne novčane pomoći u skladu sa raspoloživim budžetskim sredstvima.

Član 2.

(Rodna neutralnost izraza)

Izrazi koji se koriste u ovom pravilniku, a imaju rodno značenje koriste se neutralno i odnose se jednako na muški i ženski rod.

Član 3.

(Korisnici i vidovi prava)

- (1) Pravo na dodjelu jednokratne novčane pomoći mogu ostvariti lica iz člana 1. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", br. 31/22, 8/24 i 13/25), (u daljnjem tekstu: Zakon) i to u vidu:
 - a) plaćanja dijela troškova vanrednog školovanja i paralelnog samofinansirajućeg;
 - b) plaćanja dijela troškova II i III ciklusa Bolonjskog sistema studija;